

24- LIGA SUB 22

24.1. EQUIPOS PARTICIPANTES

Esta categoría estará formado polos equipos da Comunidade Autónoma Galega, inscritos ao efecto, que teñan inscrito un equipo sénior.

24.2. DATA DE INSCRIPCIÓN DE EQUIPOS

Data tope de inscrición: 17 de abril 2020 ás 18.00 horas.

24.3. XOGADORES

Os xogadores que participen nesta competición deberán ser nados entre os anos 2004 e 1997. Nesta competición permitirase un máximo de 15 xogadores/as, para cada xornada, que poderán ter licenza por un equipo, se ben só se poderán aliñar un máximo de 12 xogadores/as por partido. Destes 15 xogadores, polo menos, o 60% deberán ter licenza co club que se inscriba nesta competición. O resto dos xogadores/as poderán ser doutros clubs que non participen nesta liga, pero sempre deberán contar coa autorización previa do club co que teñan expedida a licenza.

No caso de xogadores que teñan licenza noutra Comunidade Autónoma ademais da autorización do club de procedencia deberán ter a autorización específica do Seguro Deportivo subscrito coa súa Federación Autonómica; de non ser así o equipo que queira aliñar o xogador/a deberá dalo de alta no Seguro de Accidentes Deportivos subscrito pola FGB.

Se o xogador é de nacionalidade distinta á española, deberá contar con todos os requisitos previstos para a súa aliñación (permiso residencia, tránsfer, etc.) e ademais terá que aboar o Seguro Deportivo e os custos da licenza.

24.4. ARBITRAXES

As arbitaxes serán autonómicas e aplicarase a tarifa de 1ª División Júnior.

24.5. FORMA DE XOGO

En base aos equipos inscritos o Comité de Actividades da FGB definirá o formato da competición.

Datas de Xogo:

Meses de maio e xuño.

24.7. HORARIO DE XOGO

Os encontros terán que disputarse nos seguintes horarios:

Sábados 16.00 h, 18.00 h e 20.00 horas e domingos: 10.00 h, 12.00 horas, 17.00 h ou 19:00 h.

Excepcionalmente e por causas de forza maior, a xuízo fundamentado do Comité de Actividades da FGB, este poderá autorizar algunha solicitude fóra dos prazos sinalados, sendo requisito indispensable para a súa consideración recibir na FGB a conformidade do equipo contrario.

Os horarios dos encontros de cada xornada deberán remitirse vía correo electrónico á FGB o martes anterior ao encontro; de non facelo será potestade da FGB marcar o horario e o campo de xogo, sendo responsabilidade do equipo local ter o terreo de xogo libre.

Así mesmo, o Comité de Actividades enviará os mércores a todos os participantes os horarios correspondentes a cada xornada. A FGB poderá autorizar como día de xogo os luns, martes, mércores, xoves e venres entre as 20.30 e as 21.15 h, salvo que o equipo que se desprace o faga dende máis de 25 km de distancia. Puntualmente calquera outro horario incluído calquera día da semana poderá ser autorizado pola FGB sempre que os equipos estean de acordo.

24.8. TERREO DE XOGO

Cada club participante deberá contar cun terreo de xogo oficial. Neste terreo de xogo disputaranse os seus encontros e deberá estar catalogado como NIVEL 1 dentro da Normativa de Terreos de Xogo. Non se admitirán en competicións aqueles equipos que na súa folla de inscrición non o fagan constar.

Nos encontros en que participen equipos que realicen desprazamentos e no caso de suspensión dese encontro por inclemencia atmosférica ou por calquera outra causa, este deberá celebrarse, obrigatoriamente, dentro das dúas horas seguintes á marcada para o seu comezo.

Así mesmo, se un club ofrece como cancha reserva unha cuberta e pechada para casos de inclemencia atmosférica, o partido deberá disputarse dentro do prazo sinalado anteriormente. Se finalmente, e por falta de previsión do equipo local, tivese que suspenderse definitivamente o encontro, o equipo local perderá este, sen descontárselle puntos na clasificación e sen que se considere incomparecencia.

A FGB recoméndalles a todos os clubs que sexan propietarios de terreos de xogo cubertos e pechados que, dentro das súas posibilidades, empreguen nestes canastras de pé, así como que teñan reposto de tableiros para o caso de rotura accidental.

Os clubs deberán cumprir as prescricións previstas pola lexislación vixente no referente á prevención da Violencia nos Espectáculos Deportivos e serán os responsables da seguridade de xogadores/as e árbitros no que respecta ás

instalacións deportivas, poñendo os medios necesarios para evitar accidentes extradeportivos no transcurso da actividade.

24.9.BALÓN OFICIAL DE XOGO.

O balón oficial de xogo para esta categoría será de coiro da marca MOLTEN. Non empregar o balón oficial levará consigo a sanción prevista no regulamento disciplinario.

24.10.OBRIGAS ESPECÍFICAS

• COMUNICACIÓN DE RESULTADOS

O árbitro principal e o club local están obrigados a introducir o resultado o mesmo día do encontro na oficina Web de árbitros ou clubs, segundo sexa o caso.